




✓

乾隆庚寅年訂

小山詩鈔



本齋藏板



序

二 口先生以侍郎告老迴里泉石徜徉寄情詩畫迄今餘十年庚寅秋緝其所為古今體詩九若干卷付

鍾子存

為序先生詩不事雕飾恬冲夷自然

三 變頃近六山白氏其自題畫有云香山詩句衡山

畫彷彿春風到筆尖於詩學源流派別蓋已自知之

矣攷香山會昌中請罷太子少傅以刑部尚書致仕

與香山僧結香火社白衣鳩杖自號香山居士論者謂先生不獨詩近香山其出處進退瀟然自得亦頗

序

有同者顧鐸考香山初遇好文之主拔置諫垣自以特達顧遇慨然自任厥後不容於當軸流徙江湖所居官未嘗終秩其中有不自得者時時見之於詩先生登仕籍三十年位歷通顯不特從容應制歌咏五下以誌一時都俞之盛其平時賦物懷人登臨跋涉一吟一咏亦都冲澹閒適無纖毫幽憂感激之意流露於維公門以是知

朝手清明堂陞一德形而為言和平潭緩而皆可以傳於後然則讀先生之詩究論先生終始之過雖千

載下猶將感泰而興起焉况於親見之者哉夫豈香
山之所可幾哉遂書以覆先生時乾隆三十五年孟
秋九日族姪孫方鏗拜草



序

跋

瑾年十五學為制藝塾師取先生會墨以示曰此讀書有得者之言也攻舉業當以此種為法心識之而竊怪焉蓋爾時鄉會文皆尚濃縟駢言累幅與師所與示者絕下類故瑾初握管時亦以此為可喜及讀前輩大家文皆宗理法不尚詞華乃於此中稍稍有得始歎師言之不余欺也後十年讀

御製樂善堂集見所題先生畫冊詩而知文之可為法者又何多能也心益慕之歲癸酉長洲少宰彭公

跋

按試睦州錄瑾充邑選貢晉謁時以先生繪事為問公曰此吾鄉詩文之宗匠也豈區區繪事云乎哉其家學淵源根柢深厚侃侃立朝和不同周不比而獎勵後學娓娓不倦余嘗望而畏之愧弗及也瑾自知失言而嚮慕之心益皇然已及赴試京師道出吳閫謁少宰公於家因公與先生有同譜之誼欲乞一言為羔鴈公曰生到都往謁焉自知之不假余緘也抵都門即訪先生之居而謁焉見其氣和言質藹然可親獎勵後學娓娓不倦信不誣矣既而授餐門下朝

夕承教耳提面命之餘因請詩稿雜誦之本人情狀
風物清腴雅切如歐陽公所云哆兮其似春淒兮其
似秋讀之可以喜可以悲陶暢酣適不知手足之鼓
舞也先生西至臨洮南極牂牁歷秦華衡恒之區臨
江淮河漢之瀆瀑直

禁廷簪筆賡和所為詩歌播之金石而傳無窮瑾何
幸而得此鉅觀也昔蘇文忠公序范文正公集謂獲
挂名其文字中以自托於門下士之末以副疇昔之
願已為大快今瑾得從先生遊親承訓誨舉二十年

跋

來嚮慕之心一旦副之不更快也耶瑾是以益信曩
時師說與少宰公之言為信而有徵也乾隆二十有
一年丙子歲春王正月人日受業淳安宋瑾謹跋

詩鈔總目

第一卷

度索軒詩三十四首

第二卷

懷西集一百二十七首

第三卷

金臺錄九十首

第四卷

粵遊草二十六首

總目

第五卷

筑籟一百十首

第六卷

瑄吹集六十八首

第七卷

凝華集八十八首

第八卷

孚岳集六十六首

第九卷



麈尾集一百二十一首

第十卷

鳴和集一百十八首

第十一卷

修初集一百三十六首

總目

二

度索軒詩

讓鄉翁桂

壬寅新歲集博推堂分韻

良會逢新節春晴是處同樓簷餘薄雪披柳得和風鳥
語梅窓靜人來竹徑通琴調冰柱釋劍吐日光矚點筆
山凝翠題箋字拂紅棗花仍舊詠蘭澤又新叢酒戶同
坡老文壇續放翁翦燈餘半寸聽曲已三終歲月驚陶
令池塘夢謝公他年追勝賞應憶此堂中

燈後遊秦別諸兄弟

度索軒詩

樂事春方始脂車忽遠遊梅兔驚別夢柳意織新愁貧
賤家何有生涯梗自浮看花在何處擬向曲江頭

京口阻風

仗劍飄然去蒼茫隔大江山迷雲似膩風急水相撞石
燕偏能舞湫龍未肯降郡樓還信宿別緒對銀釭

亳州店追和新年詩社韻

柳絲初染即辭家落遍梅花又杏花客路驚心芳草換
故鄉回首白雲遮小樓日暖宜新燕野店風寒趁曉鴉
行盡江南程未半又看馬首夕陽斜

清明客感

散煙佳節與誰親千里崎嶇愧一身走馬正逢饑饉後
踏青但是此離人眼前風木他鄉淚夢裏鶯花故國春
日暮又過青塚畔紙錢飛去亂紅塵

函谷關

函關天下險萬古稱強秦我來臨虎穴不見猶龍人深
谷暗窅窳蒼壁排嶙峋仰天失紅日滾地飛黃塵如入
大隊中偪仄無由伸轉轉忽山破豁然天地春黃河自
西來東流達孟津巨舸橫大索夾岸車轟轟中條障洪
波紫氣延汾濱沿流入大野曠放平無垠膏腴繡相錯
密樹稠居民雄哉實天府愧我飄飄身

望西嶽

奇峯挿空來雲靈變昏曉齧牙蝕青旻豁腹羅衆小鴻
濛播大地造物良亦巧疑是巨靈斧斫壁立巉峭不然
媧皇功煉此補天杪恨無九節杖拄入青雲香漱盟玉
女盆蓮花香窈窕俯摩三峰頂仰逼參旗皎遠引瑤池
觴近接高山老何時拂塵襟按圖恣幽討征車不可留

予懷徒渺渺

上巳雪

玉女飛塵忽素秋，遠看山翠悉茸裘。
漣裙好約尋梅侶，采藥還同詠絮儔。
垂柳已青驚白眼，落花墜粉亂紅愁。
好將榆火烹瓊液，得似春泉注越甌。

雨後集蘊真軒看牡丹

好雨洗新綠，花香驕旅人。
簾開風日佳，馥馥雕闌春。
我有斗酒遣此十丈塵，榆錢不買笑落紅。
空繡茵池館，昔誰開絲竹。
今誰陳富貴，詎有種姚魏。
原非真狂歌，信可哀奮筆。
直有神飲酣，月沉醉曲妙。
花妒嗔堂堂春欲。

度索軒詩

三

去秉燭追良辰

長安懷古

秦地山川誇禹貢，黑水黃河界惟雍。
涇渭合流汨漆從，終南秀鬱荆岐控。
由來虎視帝王州，非止膏腴足國用。
不丕周基豐鎬雄，屹屹秦關百二鞏。
斬蛇帝子來西遊，亦越隋唐俱一統。
其間作都歷五朝，世事繁華日增踵。
聲名文物迺九衢，甲第樓臺無隙空。
我生生長在南國，側身西望岐陽鳳。
幼時讀得西京賦，空羨文章高屈宋。
今來携向曲江邊，一一披尋行且誦。
千門萬戶安在哉。

綠樹空餘鳥聲啁花落花開換古今羅綺香銷百年夢
當時年少五陵兒黃金蹀躞青絲鞵朝歌杜曲暮樊川
車馬春風日馳縱祇今臺榭盡田疇明月清風野人共
樂遊原上春草繁灞橋新柳何人種關中饑饉頻洊臻
塞外干戈日倥惚珠桂常年苦轉輸哀鴻忍迫追呼痛
我來感慨事非一對此不覺心惻動誰能挾瑟向吹竽
惟應拊缶和擊甕亟呼秦女快吹簫明日春歸為春送

送春曲

遠遊信足無不可杜二城南忽有我翻怪東風不容秦

度索軒詩

四

庭花欲落春無那白日長繩繫未能蓬萊有路去何曾
長安風景日彫落况復年來饑饉仍眼前歷歷斜陽樹
西方美人在何處欲呼明月照酒杯對酒惜春春欲去
春去春來春又春漢家宮闕已成塵祇今惟有長城在
莫笑當年無道秦

新綠

薄霧輕籠是也非捲簾清影透書幃枝柔似怯朝光嫩
黃暗旋經宿雨肥小憇陰垂青玉案偶行色上素羅衣
更看馬射春旗動一騎紅塵突翠圍

詠燭二首

夜遊何地不追陪，詩酒場中占百迴。
每向春風偷淚落，恰逢人喜報花開。
貧來鑿壁光堪借，滅處牽衣巧作媒。
漫道紅顏易銷歇，鳳膏初翦未全灰。

昨宵寒食節，相催誰送金蓮御苑回。
未免有心憐別曲，可能無跡上高臺。
芙蓉帳裡移春去，玳瑁筵前替月來。
不學豪家代薪灼，百枝常照夜光杯。

杜子美祠

一叢翠栢映踈楊，彷彿成都舊草堂。
廿載饑驅憂社稷，

度索軒詩

五

百年風雅見文章，門前自結青山伴。
世上誰憐白首郎，仰止高風疑坐久。
紫藤花落帽簷香。

夜坐時已三鼓

紅蠟心傾頓欲灰，回光曾不照銀臺。
三更漏滴人猶坐，四壁風聲雨又來。
鸚鵡賦悲千里別，杜鵑啼勸幾時回。
從今芒屨輕珠履，准掃蓬門印綠苔。

雨餘窗外久沉陰，獨坐蕭齋思不禁。
怪爾春歸便秋意，慚余秦地有吳吟。
腹枵轉效東方詭，眉蹙誰諳西子心。
正是短檠愁不寐，隔牆偏唱雨淋鈴。

端陽前發家書

菽水承歡未有期每逢佳節益增悲白雲望斷三秦路
血淚紛於五色絲何日粉團供翠釜幾番畫鷁趁朱旗
板輿欲奉今安在腸斷薰風一紙詩

賦得終南佳氣入樓臺

漢宮高處列層巒六幅屏山對面看日出暝紅浮畫閣
雨餘蒼翠逼朱闌雲穿繡戶停歌館霧鎖金人失露盤
千百年來幻如蜃等閒明月照長安

病後早秋

度索軒詩

六

怕說年光似水流一分餘病一分秋久踈茶竈唯親藥
小立花堦便當遊園果著風紅欲墮石枰經雨潤初收
今朝不許鄉心起莫見斜陽又上樓

重陽前雪

六出飛霰下三秋景物殊當歌猶素扇對酒欲紅爐曉
帳驚梅發陰庭怪月鋪方珪桐翦瑞飛白雁書無萱折
嗟何及蟲疑信不誣芭蕉臨畫幅楊柳記征途頓覺蘆
花晚逆憐塞草枯授衣難代絮落帽不成烏謝賦悲何
早梁園歲易徂陽春誰和者拔劍起鳴嗚

秋暮送欒亭東歸出郊登雁塔

時節蕭條意黯然，
堪對榻忽離筵。
霜楓未染人先醉，
秋水方寒我獨憐。
三尺青萍休斫地，
一杯桑落且談天。
此行釣得鱸魚美，
好便乘槎到月邊。

酒罷驪歌且莫催，
南郊緩轡共徘徊。
薔花漫漫迷樵徑，
野菊斑斑上釣臺。
無數寒鴉歸塔院，
一聲秋角傍城隈。
好山欲別愁相見，
故遣浮雲護不開。

滿眼雲山亦足豪，
扶風在耳髮騷騷。
興亡何限悲前代，
離別無端到我曹。
縱有虛名留雁塔，
也應浮世等鴻毛。

度索軒詩

七

羨君歸趁紅蓮晚，
手把霜螯醉濁醪。

寒食酌海棠下以顛巢二字為韻

怪底朝來散紫烟，
錦江花色繡簾前。
愁含細雨慵如睡，
嬌舞輕風醉欲仙。
宜有鵲音傳好事，
得邀梅聘敢齊年。
落紅猶自飛金屋，
肯逐長堤柳絮顛。
血染猩啼透綠苞，
粉舒蝶翅間紅梢。
每來佳客成名飲，
偏與高人作淡交。
杜老無詩應偶軼，
徐卿沒骨更誰教。
一枝留得春風面，
漫說他年有鳳巢。

度索軒桃花盛開懸燈快飲得偏字

憶昨我來時花開正輕茜今茲花又開歲月已周徧六
駒過難留萬斛愁莫遣及此春未闌謀作花前宴盤殮
聊自具襟坐從所便落日倦遊蜂鈎簾接歸燕花光亂
燈影觸目增轉眩錦浪浮半空飛霞落千片燦列儼聚
星激射駭流電此時座無譁清言不可選巨罰安足辭
三爵過猶洗酒政忽兵行大呼索酣戰壁壘分兩軍旗
鼓當一面風來火樹搖花落紅雨濺餘香滿接罹爽氣
穰領緣樂極古所箴得意戒勿戀亟起步迴廊譙鼓已
三轉

度宗軒詩

遊韋杜二曲看桃花

客居近城南未識韋與杜側聞看花約未往神已赴輕
車出郊來景豁陳悶破清塵賴雨後辨道失雲霧南山
見凹凸層復不知數一徑窅而深雙塔聳相顧忽作天
台遊頓入桃源誤紅霞燒山脚豈是大冶鑄上覆蔚藍
天下界白石路穴居讓平疇柳岸夾花塢咄哉錦繡錯
怪此烟景互當年尺五天平民那得住繁華恣點染或
少此真趣生平慕小隱邱壑吾所素家山別五年見此
若親故荒祠謁子美漠漠見塵塑瞻拜肅儀型慙足簷

下坐塔前水灑灑花落小橋渡遠望白鷗飛水田穿竹
野山逼境漸佳日落馬嘶暮勝遊不能終挾奧天公惡
欲和朝川詩留作他年賦

燕翦

破錦穿花去兮絲拂柳迴輕宜窺繡戶巧合伴粧臺翠
幙憑誰製烏衣只自裁春風還似爾相識好歸來

鶯簧

公子花間客偏從緱嶺過雲和方出谷金縷已拋梭調
律春風暖操音楚語多可能齊鳳管並作羽衣歌

度索軒詩

九

榆錢

莫笑囊中溢塔前十萬贏無文誰是母有眼即稱兄藏
漫原無盜分多不厭爭好山如可買擬掛杖頭行

柳絮

挾纈恩難遍憑君到處飛禦寒翻似雪試煖不勝衣點
徑花茵厚沾波水穀微溫袍吾亦樂用爾惜時非

曉沐臨潼

落月下西巖團團鬱金色碧瓦浮殿明叢木冒山黑中
有早行人涼風生肘腋汨汨道旁水相應秋蛩織點也

斐然狂浴罷三歎息阿房誇北構一炬三月熄華清古
無倫蹂躪供羯賊悠悠千載後蒼骨辭粉飾幽寂誰主
人清麈我獨得緩歸步長林曦光照城闕何當弄泉手
又挽青絲勒

小車行

山頭軋軋小車過修如長蛇聯什伍牛車馬轍不得路
獨輪推輓工行步車中所載問何驚荅云晉飢秦輸粟
哀鴻不鳴洵可哀遙指饕餮道旁木朝來所過望西成
黍與稷翼多豐盈白楊風高秋滿野紅蕩花開香浸城
豐凶相去僅百里何因便得隨車雨皇天愛物無私阿
定應前路皆如此莫言前路皆如此小車軋軋無停軌

度索軒詩

懷西集

讓鄉鄒一桂

中秋日寫廣陵觀潮圖并題

白露初團暑未消偶於湘簟寫江潮秋風客路三千里
明月揚州廿四橋

病後出都遊晉陽途中雜感

病起驚看歲月遲呻吟纔罷即驅馳回車不是還家客
題壁元非下第詩

癸卯余自西秦入京病未會試就幕晉學

日沒遠山寒霧

懷西集

衰時與任鈞
墓同行

遠峰疊翠鬪蛾眉一簇村煙颺酒旂似爾曉容真可畫
惟余來日竟無詩董生勉矣遊茲土季子歸哉又幾時
贏得飽看雲岫態不愁前路有傾欹

客程心事幾消磨三月清風

清風店名

兩次過山色有情應

我待天涯無計奈愁何草欺寒日凝霜久樹撇荒村見
寺多且辦搗風沽酒去一鞭乘醉過溇沱

往來山逕石嵯峨蕭颯情懷感逝波兩載功名三月夢

一身貧病半生過霜寒更覺征裘敝酒薄難消客恨多

安得相逢慷慨士，解鞍擊筑聽高歌。

函關次任鈞臺韻

此去分燕趙，京師首重回。關容一夫守，山合五丁開。跨嶺崇墉屹，奔崖怪石頽。太平閒地利，孤劍老雄才。

南天門

側足萬山頂，憑虛望欲顛。斷霞平古木，飛鳥落寒煙。白破千原雪，青垂四壁天。嗒然我喪我，長嘯接飛仙。

冬至日憶兄

不到陽生已閉關，曉窻晴夢日幽閒。客中佳節輕輕過，

懷西集

二

病後詩情漫漫刪，微雪乍融書几淨。落暉遙映粉牆殷，雁書望斷鴿原信。一縷燕雲萬壘山。

代州公署題壁

豈必明窻盡絳紗，箇中風物亦堪誇。初除堦畔留芳草，新粉牆頭出杏花。野鳥戴冠名布穀，驛亭供飯進胡麻。城樓近處鳴笳急，更有青山對晚霞。

題莊千里乘槎小影

壯哉海水排空立，噴礴洪波若呼吸。乾坤震盪風雨愁，八表茫茫浮一笠。一笠乘槎到漢邊，飄飄鶴氅如神仙。

卷書上列星斗氏劍氣下觸蛟龍眠吾聞蓬萊之山巖
鰲背瓊樓綺閣遙相對秦皇漢武望眼迷方士不回凡
幾輩人生百歲幾滄田留取容顏貴少年君家向有道
遙客為寫南華第一篇

四月望夜登三立閣

梯雲直欲接三台暝色涵空入檻來涼月浮金光萬戶
遠烟橫碧鎖層臺蒼茫盡意無中有點淡詩懷寐處開
假日不嫌頻眺望故鄉何處首重回

知非吾土亦登臨况我来時月正明大地銀河浮玉宇

懷西集

三

挿天青嶂護金城依依雙塔林中影咯咯群蛙草際聲
隱約庾樓風景在倚闌凝坐斗杓橫

凌井溝

仲夏發陽曲披榛走山麓輕車過雙堦便入凌井谷奇
峰相面壁怪石如覆屋窄徑九迴腸展轉傷局促血枯
涓脉乾骨露山頂禿剝削班斧痕風露石佛浴壁間斗
大字誰筆猶可讀竒絕得未曾險矣亦此獨本是蛟龍
居強使騏驎逐聚足馬滑苔擊轂石脫輻氣絕路始平
神定聞布穀前車既失隊後顧勞痛僕僕言去秋時有

客此沉陸山頭膚寸雲山下千尺瀑漂沒若敗檣衝激
若飛鏃洪波雖條逝微命已難贖何如一舟輕坐泛五
湖綠不學孫登嘯免使步兵哭

嵐郡書事

疲馬投邊塞荒城急暮春慵心愁萬卷豁眼見孤松伏
盡渾無暑嵐昏便有風北山吾敢恨祇自惜途窮

暖泉亭

北地清流少茲亭興不孤煩襟聊可滌小酌不須沽藻
滿魚濡沫林空鳥畢逋長途宜熱客愧我是寒儒

懷西集

四

七夕過北嶽

我遊不計日但覺天氣清我遊不計地但覺嵐氣晴渾
忘今七夕身在恒山行衆峰抱重圍密樹森戈兵岸巒
半天紫宮殿穿雲明松濤鼓山腹鳴澗相鏗鉤蕭蕭逆
虎風瑟瑟臨楸坪逆虎楸坪皆山地名是時夕陽下弓月掛荒城
疲鞍落西塢鞭梢指長庚斗室羅衆客瓜果紛雜呈巧
拙豈暇辨醉倒眠甕罌余時耿不寐起坐尋秋聲開窓
揖岳頂仰見銀漢橫伏翼出敗壁疑是果老精怪子弄
虛幻化杖為龍形浪叟山霧合隱約垂雙旌雲車返仙

馭耳畔繁筓笙磔然震山柝茅店明孤檠

貓

床頭唧唧互相招飽卧花陰意自驕白雪嘉名空錫予
阿奴原只自呼貓

題補袞圖

鳳蠟光寒夜漏邊繡幃倦倚小紅兒天衣補出真無縫
不負平生五色絲

夜靜猶將弱線拈臂環斜落玉纖纖世間缺事知多少
那得憑伊一一添

懷西集

五

弔卧龍松

都城南西門內向有卧松一株偃覆離
奇遊人燕賞其下今忽伐去慨然賦之

寥落村原憶舊遊白雲深處失潜虬濤聲萬派歸何處
明月一輪空素秋四百年來猶夢覺三千塵劫等沉浮
知君早欲騰擊去羞向長安作楚囚

退身高卧偃荒隅伐跡何人亦可吁豈為潜淵愆作雨
多因離洞漫拋珠草衰古塚麒麟出日落長林翁仲孤

松在封氏塚地內元
明以來已四百年

早晚若逢安陸使寄言珍重歲寒

圖

舊作一圖在張幼安
處幼安為安陸縣丞

再入關中晤雲川峇贈

蓬轉三千里萍逢十月時何期燕市客重讀杜陵詩風
雅君如舊飄零我獨悲嶺雲飛不斷為報雁行知

雲川寓晤商霖

忽見恍如夢相逢合是仙交情邈同里別意感流年舊
會猶能說新詩劇可憐閒尋曲江去莫負小春天

木瓜

又作青門客憑伊好贈將黃金愧士色玉椀逼爐香不
食寧辭苦留珍且善藏瓊琚敢望報或以佐瓊漿

石榴

懷西集

六

豈是金罍果疑來阿母旁錦囊秋欲破火齊亂舒光抱
璞能藏艷駢珠喜並房不妨名醋醋多子列千行

雪

朔雪來何急空林忽遍花梅肥千粒綻竹重一枝斜歲
稔他鄉卜山寒客路賒玉關春不到臘鼓莫停撾

山雞

目眩臨流惜羽衣文章顧影自增輝銅臺宮鏡塵埋久
誰信人間有一飛

立春

雪獅消落成蹲又剪金花貼綵旛歲序速於風馬過
人情爭逐土牛喧頻年作客驚新曆邊地回春喜漸溫
獨愧御風如列子一編隨分學公孫

改歲二首次健園韵

敢道梁園作賦才狂歌一曲漫傾壘春光已逐輕鷗泛
客思偏驚候雁回腰鼓連燈催白雪胆瓶和酒供黃梅
故鄉風物猶能畫搨盡藍雲藍興未灰
官署朝來列火城翠旛頭上亦爭榮六年兩度秦川歲
一夜三秋故國情有脚春還隨地轉無聞學愧與時更

懷西集

七

祇應效得孫公戲笑共兒童舞月明

譙別稜秋閣次健園韵

眼前身世豈樊籠鴻鵠高飛達遠空小有天從杯底白
將離花發扇頭紅久拚人散東西濶又過春分晝夜中
欲訪崆峒應咫尺玉山烟暖日初烘

二月望發長安赴臯蘭

年來結得乘槎伴已向西行更向西萬里河源天闕近
數聲羌笛嶺雲低月明有約隨征旆芳草無情送馬蹄
惆悵東園從此別海棠紅藥正圓齊

咸陽渡

灞岸回頭柳絮飄那堪西渡斷腸橋烟波動我離鄉思
落日愁人去路遙秦地山川多鬱律漢家宮闕久蕭條
古來逝者真如此卧聽城樓咽短簫

安國寺

程短客早到日長時未申卸鞍尋古寺散足破芳塵樹
老山門古碑全墨搨新紅霞遠林表羲御下朱輪

邠州

陝巘懷周舊停車憶古公儉風猶土穴勤俗正農功小

懷西集

八

市開平陸層巒仰大雄

州境有大佛寺

林花香拂帽走馬苦匆

匆

金佛峽

土斷石忽突路窮山益竒懸崖置巢閣木石相撐支壁
壘兩相向狺獍列熊羆白日淡不下青天無四垂平涼
壯門戶關隘雄西陲王師靖邊烽客子安驅馳遠遊四
方志歷險安足辭但恐前路俗祇受塵土欺茲焉仰巉
峭豁目忘形疲安得千虬松怒攫張之而戰據兩峯頂

黑暗天風吹

六盤山

西行過平涼風景一蕭索風高柳不青天低日色薄身
離三輔遠路入六盤惡攀援一峯上往返幾經絡江流
巴字縈錦織回文錯奪路驅羣羊蒙馬驚疥駱忽身置
雲岫磴仄瞰風壑敏猿失木據山鬼容一脚逕迤猶掉
尾下坂陟如削堆人拱而立邀我定魂魄荒坡寒食後
逆旅鮮饘餽胃中饜塊磊何暇甘啖噫憶昔磨盤來策
蹇猶可躍性此山不名鳥道敵劍閣七盤踞雲棧未審
更何若徒險何足竒頑樸須椎鑿

懷百集

九

會寧道中

兩岸青屏列萬重中流一澗若游龍樵歌路遠山雲杳
泉溜聲微石蘚封就淺就深多却步適來適去躡前蹤
何時計決尋歸棹溪上桃花笑阿儂

題漆秀才書館

客程無雨只飛沙何處停驂問酒家十室書聲顏子巷
一畦青影邵平瓜矮窓容膝宜揮麈短紙頻書怪落鴉
偶坐漆園疑是夢過牆蛺蝶趁晴花

清嵐山遇雪

藍關馬足滑灞橋驢背寒鶯花邈何處風雪過清嵐清
嵐之險在習坎未至十里峯迴盤一坡直下作三折騎
滑不進霜蹄攢山有倒回
溝極險隘百夫謹誦拽重載聒耳不辨

鳴和鸞風吹醯雞舞天甕同雲四塞陰瀰漫須臾山谷
成麵市落花粉蝶飛團團回颺直從山脚起倒吹玉屑
噴銀鞍帷車四下不得望重裘被體身猶單江南此時
正單袷茂林被袂臨清湍青梅紫笋已嘗久誰識此地
唯風餐望城不得見三角三角城
在金縣陟險奚翅登六盤人

生貧賤勿作客作客自古行路難出門百里尚惘惘况

懷西集

十

乃遠適遊臯蘭作詩自責亦自解天欲成汝疇能寬

三月二日到臯蘭

萬壑千巒去似梭馬前翹首見黃河洪濤尚作東歸計
問我西來竟若何

遙瞻城郭急鳴騶撲帽楊花點客愁漫說東風無力甚
直吹人送到蘭州

遊臯蘭山憇五泉寺

以貌取人失子羽人固有之山亦然此山遠望苦無色
誰識近取多奇妍天公解事三日雨一洗枯槁容顏鮮

濛濛紫氣漫山谷馬足踏處穿雲烟殘紅瘦盡遍新綠
柳花飛絮隨風顛層巒巖級憇更上回首四望山綿連
黃河西挾洮水至欺山海郭侵原田欲行且止如有待
長蛇回顧首尾延老僧汲井誇土物地爐號蚓烹山泉
修廊曲檻叢木杪下聽飛瀑噴潺湲主人好事客盡頑
襟袂爽利手足便劃然長嘯在絕頂舉手欲闢青雲關
黑潭試探老蛟窟青苔細雨飛珠簾撲眉清冷坐難久
林壑雖好歸言還吳山越水舊名勝雕飾過甚傷天全
不如此山顛仁智中具百竅外撲堅藏輝蘊秀意不盡

懷西集

十

留取真色還空禪會茲便當惜餘景明日再訪清池蓮
遣興二首和仲兄寄詩原韻

來遶家萬里舉目誰可悅一室倦讐書破睡自烹雪推
窓新雨後山翠環屋列亦有丁香花玲嶢不堪折風吹
散愁結何處著客熱

藜藿吾素風野蔬自怡悅蕨芽初茁肥蒲笋白如雪豈
其必河魚方許進盤列一飽更何事繭紙學三折倘容
作歌呼吾耳尚能熟

得句乏雕龍聊杼塊磊胃羨君詩味淡媿我容情濃騏驎空馳逐千莫欲斂鋒辦香如可接仰止後山峰

初夏出郊觀河望白塔山憇蓮花池

我有山水癖不辭千里勞思欲遇奇勝一發胸中豪昨來過終華仰望空岩崑尚思入崆峒擬結廣成交山風不我接送我羈臨洮臨洮古塞下沙磧山無毛白塔鎖黃河迴抱蘭之臯浮槁亘關隘巨浪奔城濠浮鷁作舟楫接規代桔槔散頑得生境息遠清塵囂荒池聽蛙鼓似作鄉音號有蒲乏菡萏名實徒相嘲群兒利數罟竭

懷西集

十二

澤穢魚苗憫茲得錢幾民魚兩無聊道旁昔多柳半為軍興樵惟看古槐樹雷殿參天高吾鄉富林麓廢園堪誅茅何時理歸策小築臨塘均三間叢竹裏一架青葡萄

哭是驂兄十四韻

少長肩隨慣年來參與商數奇兄更甚遠遼我尤傷華萼春偏萎寵蛇歲正當望雲方藹足歌露忽摧腸東野書無日桓侯病鮮方枕邱雖不遠易簣有誰旁竟為功名死誰憐匍匐喪坐貧一至此生理亦何常大覺非長

夜真歸是故鄉池塘餘舊夢風雨憶連林酪乳欣同味
封胡恨早亡令原虛急難雁序不成行命矣知誰咎天
乎問彼蒼孤燈千里夕和淚寄篇章

標

矢屬長八寸以手發之十步傷
人余與純伯戲習之并為戲咏

書生亦鏖兵三寸足紀律橫掃千人軍不藉矢與石怪
此銳頭兒有似中書客孺子不執弓養叔已貫虱省括
機在手出袖風雨疾寸鐵伏監腦五步立濺血笑我曹
交身力不勝一匹飽食消永晝立木試破的斲之聲丁
丁擲地亦清越晏也何其敏先我得之捷學之不決旬
十中五六七馴此一年後百發不失一他時為王驅探
級若取物斯言猶未既聞者笑於側壯也不如人垂老
竟何益祇代百壺驕聊以散頑佚

病後七夕次健園韻

往來寒暑擲梭頻造物勞勞亦苦辛客裏漫過愁病日
天邊猶有別離人能文尚怪河東巧免俗方知北阮貧
無奈茂陵秋思逼一鈎涼月控弦新

秋雨連綿余病不出戶累月矣茲值中秋天高神

爽信步至河橋山水曠朗有動情者邈然久之

不知身在五千里外也是夜無月醉而書之適
見坡翁遊西山詩因步其韻

夜光瀲灩葡萄醅天香何處浮雲裁雲深蟾隱呼不出
坐聽吹落江城梅詩腸枯渴久不潤劍氣欲上空崔嵬
百年萬事幾歡笑眼前即是黃金臺朝來健飯試脚力
出郭新霽無氛埃沉疴積雨盡消豁快覩萬頃琉璃堆
山閣徙倚恣憑眺怪石疊卧如罍罍鼉鼉架梁截銀漢
長虹下飲臨城隈塞垣秋早變楊柳蒼壁陰久滋莓苔
男兒不識遠遊苦但遇豪境心為開祝融驚我喘未定
作佳節莫唱水調歌頭哀

懷西集

十四

前夕鄰婦嫦娥欲下秋風催裘衣桁上已過夏濤聲枕畔
居失火常春雷怪哉天地之氣化變幻孰識其由來狂歌慰藉
盆中千葉若榴結實甚大蘭郡葡萄有大小綴於

一枝者盤中設此二果戲為咏之

金罍生瓦缶碩果偏昂藏錦囊秋風破百子皆紅裳摩
開瑪瑙匣湍手紛琳瑯還宜淨皎盤貯之於硯旁豈能
嗜甘酸愛此珊瑚光

亦有草龍珠並是西域果一物具兩質累累若子母尖

圓各異態辨族豈同譜幻作同根生造物真瑣瑣大小
一貫之無可無不可

簾影

擬作揚州十里行朦朧巫峽雨初晴星光滅霧花鈿細
月影搖波小扇明乳燕不歸留客恨篆香微度透芳情
何因化作隨風絮吹入深閨夢未驚

九日次健園韻

萬物有盈虧轉側同朏魄黃花又爛熳伴我如舊約采
之亦何為挿髻感搖落塞簾索一笑顧見雙病鶴日暮

懷西集

十五

秋風悲梁空飛燕雀

山中買菊分遺健園重陽後將東行作詩別之

菊為隱者花出山固非宜賴移高齋裏吟入清瘦詩一
枝斜正好數蘂開尚遲淒風泣朝露泣泣增別離買花
本伴客花住人不羈捨之將遺誰與子五日期猶堪邀
太邱來賦小山詞聚散苦無定只此花自如惜花與花
別花乎知不知

又

花知我欲去嫩蘂日夜開粉香微欲笑玉瓣紛瑸璣一

室四壁空賴子共徘徊朝窗伴我晝夜月添我杯我與
子非故千里感趨陪擬將挿軍持同子歸去來念子復
何罪辭根飽塵埃還歸東籬下故土良可懷陶潛棄官
久莫向公門栽

余與健園期年相聚一旦溘然既追其像併為輓

章二十韻哭之

豈料同歸客翻為獨徃人長吟方未已大患忽無身容
病經秋慣鄉心向暮頻囊空愧子母鼎折廢君臣陟岵
勞瞻望鳴陰苦嗶呻妻孥亦何有僮僕幸相親東閣真

懷西集

十六

賢主西園久重賓需材猥敦匠添頰漫留真有物終湏
化無財不慮貧廿年蓬斷梗九月草枯茵高會何曾健
窮途竟阨陳今宵已虞夕昨旦尚生辰意豁常披霧交
醇共醉春三人同坎壈二老一沉淪余與何陳
兩翁俱病執紼隨
行旅傳歌感比鄰素幃侵燭夜孤店落霜晨亂壑風號
樹踈鐘月照輪偉哉奚汝適已矣復誰論今手原無語
回頭豈有嗔空餘蒿里曲揮淚一霑巾

蘭州詞

不信峰迴水遶區秋高無雉食無魚邊民那識供蠶事

却有南山種豆書

其地宜蠶豆

頻年為客不歸家，櫻筍何曾暫著牙。出水新蒲如玉帶，

替他春菜到秋瓜。

蘭人食蒲菜，至六月方止。

穩渡洪波不用刀，紛紛驟馬踏長橋。居人盡汲渾河水，

別引清泉灌藥苗。

黃河在州城外，有浮橋山有五泉寺。

滾滾生涯水面浮，漫從皮裏度春秋。人人號得鷓鴣子，

不數當年少伯舟。

以生牛皮渡水，俗名皮餛飩。

規長接水若游龍，挹注輪迴水自衝。擬向板橋門下過，

白波頭上響溶溶。

懷西集

十七

寂寂山容若死灰，每思萬木遍山栽。近來休得如膏雨，

變作青螺一鬢堆。

號作金城孰敢開，莫教空手寶山回。山根文石無人要，

却被東坡拾得來。

覆額烏雲一尺高，慣於驢背著蜂腰。春風揭起蒙絺面，

一朵紅梅映絳桃。

蘭女多為壽陽粧。

十指由來是紡車，小姑撚出更堪誇。服成冬夏皆安吉，

不信人間用葛紗。

蘭地出絨，其細者為絨，以小姑所出也。

猩猩紅罽隨家有，瑣瑣葡萄別處無。帶索小兒歌拍手，

青裾化作丈人烏小兒多帶鐵索
婦人乘屋為常

金盤露酒好招携醒醉還須長柄梨蘋果花殘紅欲雨
春風溝上送香蹄

天桃穠李鬪芬芳一種青陰倍可傷落盡標梅已無子

怪人猶喚作梅香婢有四十
不嫁者

何來草色入簾青亦少鳴禽喚茂林惟有杞叢經雨盛

月明花犬過墻陰

芙蓉不產渾忘暑蟋蟀無聲自會秋不是天公會省事

怕人聞見助人愁

懷西集

六

豈嫌材大用難成截作鷲毛片片輕持向隣家乞燈火

不論寒食與清明以極大松木
作取燈用

盃權何勞問稅關野烟飛處白雲間農家草食尋常事

煮海何如自烈山山農以草
燒灰瀝盪

小小銅壺別有天壺中水火急相煎孰知邊地烟花少

不賣花枝只賣烟街頭多賣
水烟者

欣開講幄揖諸生正好論文忽又行領取一杯相別意

座中雙唱采芹聲觀察張公設立義學屬余閱文是
秋入泮者六人余行俱來餞送

別臯蘭

春暮時來秋暮去，落花落葉捲關愁。每憑社燕為先使，
又逐征鴻作舊遊。蕉鹿已亡真是夢，麝裘雖謗竟何尤。
從今不羨東歸水，除却三危便十洲。

清嵐山阻雨

野店能容膝，村寒意自賒。書聲四更雨，

夜聞讀書聲至四更方止

路萬山家嶺，沒雲衣。重烟披風穗，斜望中還集。霰飛作

小春花

十月初旬復至關中

三至長安意轉慵，峭寒光景日初冬。浮雲過眼今何在，

懷西集

十九

明月無心到處逢，雁墀風高迴六鳥。杜陵秋老見孤松，
狂歌正自同衰鳳。久向長途作卧龍。

曲肱

萬物自求易倦來，吾枕吾嬾於玉骨未溫勝。水晶無小
藉，憑花几橫陳。倒酒壚夢回厨飯熟，疏水計非迂。

鬪鶉

尺地圍城小軍容，亦壯哉。錦囊飛將出木寨，羽林開拔
幟。秋毫落衝鋒健，翻摧殿倉爭數粒。何事苦銜枚。

橘燈

色妙千頭選光榮御苑頒誰能探紅日我欲繫朱顏膏
沃兒拳熟烟燒鶴頂殷春宵一刻好拋擲誤家山

鵲巢

雙鵲依人慣營巢俯可窺迎風開戶牖避歲識安危室
小能容我林深欲讓誰栖香春有信未雨及今時

太白積雪

太白峰頭雪清光萬仞餘定知高士卧應有謫仙居滿
壑風迴聚空林日掃除高寒猶可仰杖策孰同余

又

懷西集

二

頓覺巉巖逼仙峰在屋廬冷雲無處着寒谷幾人居偏
壓松根尤重封石室書入春終不化留待意何如

聞鐘聲

寥落青門夜鐘聲送遠頻苦教詩思逼慣與夢魂親帶
雨來偏急無風聽轉勻短檠愁不寐千里一孤身

殘臘寫懷

梭擲光陰四十過可堪殘臘又蹉跎無聞莫怪人情懶
不惑方知道味多小技雕蟲聊復爾倦遊歸馬竟如何

篋中賴有東坡集讀罷猶能一再歌

竹葉酒

籜坼泥封氣味新
猗碧浪泛湘神
風清月朗思君子
日暮天寒望美人
香飲露梢千日醉
暖融雪菜四時春
一盃且酌文與可
潑墨相看笑墮巾

女兒香

仙姿應自海山來
未比尋常越國材
微點鴨爐紅有暈
暖銷鴛帳淨無煤
三升花露樽前醉
一剪巫雲夢裏裁
幻出樓臺何處覓
枉教方士詣蓬萊

歌童

懷西集

廿一

燕來鶯去兩踰躑
逐隊爭飛上舞筵
試着紅羅窺小扇
學成新唱鬪繁絃
羽音促節非關怨
宮樣輕身合是仙
兒戲莫嫌巾幗態
子房原不是魁然

鄰雞次衣園韻

舜蹠無分平旦初
誰家喔喔忽驚予
嚴霜正落醒人夢
殘月猶明照我廬
萬戶鐘聲千陌騎
半窓燈火十年書
此中多少披衣者
羨爾雄鳴到玉除

歸雁

妬殺寒窻外
嗷嗷歸雁聲
孤燈青未滅
客夢耿難成
故

國春風好長途歲月更看君已五返愧我只西京

又

倦翮隨陽轉春風刷羽毛薄霜沙路迥遲日塞雲高應
候能全信重來敢憚勞何時蘆菽晚相見在江皋

乙巳除夕

爆竹聲喧接比鄰地爐圍坐故鄉人兩枝紅燭三杯酒
何處重追四十春

自寫新聯映蠟紅早梅香裏驗東風百詩欲祭吾豈敢
檢點西吟一歲中

懷西集

廿二

羞澁囊中剩幾錢敝裘破帽任新年垂簾自喜焚香坐
買得昌黎集一編

題蕩夫新齋

數竿風竹新裁剪一對花幡早自懸約我偷閒日西顧
怪君何事又東遷捲簾樓閣疑虛幻隱几圖書得靜便
獨笑長鯨頻點頭額邇來縮項欲如鯿蕩夫頎然而
門極低小

哭此源弟

歲初哭一兄歲底哭一弟何當一歲中兩雪鴿原涕客
居固無歡更此涕相繼憶昔弱冠時家塾戰文藝一兄

兩弟余年齒各相比弟才特敏妙落筆生秀慧連篇不
屬稿過目即能記相期六翻成奮激青雲際天乎不弔
惠同庚弟先殫悠悠別廿年魂魄應再世昨歲春風厲
歸鴻復顛墜我時客西涼感此病腸胃謂余四人者乃
已去其二他時談舊盟相對惟一弟誰知歲當蛇弟亦
從此逝熒熒只留余造物者何意又憶總角時識字即
同肄經書共爭孰俎豆亦僭戲正逢志學年吾叔早捐
棄艱辛立門戶慷慨儲義氣我窮餬四方我子得因倚
風塵條五載家計憑外禦今春擬南歸桃李宴群季池
塘新綠淨魚躍觸天走花香撲簾幃掃石坐其次樂事
久缺欠庶以償所贖誰歟絆吾足遽爾折吾臂書來疑
盟夢驚定欲酸鼻咄哉堯母門而竟夭其嗣

弟孕十九
月而生

蒼蒼不可叩二豎孰為致弟遊泉臺下還作三人契孤
余獨飄零羈跡久秦贅遙望南天雲愀然日陰曠作詩
寄悲哀淚滴不成字

擬南郊看桃花不果乃為畫幅題志一笑

前度劉郎不再來幾人重得到天台卷簾一任東風笑

爛熳花從素壁開

二喬觀兵書圖

牙籤稠疊綉羅前一榻清風漾綠天把卷料因消永晝
傾城寧事六韜篇

翡翠雙雙並藥欄倚紅偎綠愜幽歡閨中自有難兄弟
休作楊家姊妹看

赤壁誇功夫壻驕那知綽約亦驃姚縱然未得東風便
銅雀何能鎖翠翹

討逆威名世所無周郎奇計又誰如可憐一霎陽臺夢
長使行雲伴月孤

懷西集

廿四

千古風流一電光大江東去水茫茫英雄兒女皆安在
留與人間作畫忙

董安瑞招飲三休園醉後放歌

春欲去夏欲來花前痛飲能幾回曉鶯啼樹日初上出
郭清曠無塵埃南山翠黛映新綠夾道萬柳參青槐濛
濛花香拂露醅主人邀我金谷杯恍如誤入武陵洞小
橋竹塢穿縈迴楊花滾作毬丁香覆成堆牡丹薔薇雜
然笑請君賦此安取裁知君三年久不窺種松已長過
於臺攝衣試上最高處要看落霞孤鶩橫空來遙遙迤

堞環綉嶺隱豹霧藏巖隈年來閉關拚久寂對此不
覺心期開為君飲一危勸君歌莫哀二疏未便盡邱壑
小阮况有凌雲才

園主人乃安瑞之叔

上林芳菲日邊栽樓閣四

面皆蓬萊我欲從之乏良媒吁嗟董生勉乎哉

題顧思齋畫冊十頁

杏花

宋玉牆頭見春寒細雨時欲紅還帶白蜂蝶未應知

梨花

落落雲間路溶溶月下人年年深院裏和葉度殘春

懷西集

廿五

萱花

我非兒女腸焉用忘憂草欲籍黃鵠嘴可惜金英好

牽牛花

曉露滴新粧螺黛青如許睨彼阿儺姿還宜托君子

棉花

丹心同向日茅屋豈辭貧不羨千花艷能回萬物春

野薔薇

野丹山之谷水姿識者稀護香空有刺留得幾人衣

菊花

冷香偏有韻真意却無言借問隱君不河時開故園

藤花

翠帳紫流蘇垂垂雙綬紆莫教風拂帽恐有露凝珠

遊魚

輕風逐萍開池上閒花落儵魚出從容吾亦樂其樂

雞雛

破殼已能啄得蟲方解爭何時中夜裏聽爾一雄鳴

七夕後一日重至東園

鵲橋初返駕鶯谷正新遷甘雨隨文旆涼風動綺筵鳥

懷西集

廿六

呼迎舊識花笑續前緣聚散還如夢何勞問覺眠

又

東園已三至風景復如何樹密欺連月籬荒蔓壁蘿斷
橋新漲沒稜閣舊山多悵望夕雲起歸鴉似織梭

題照

兩行碧色先生柳一港清香君子花中有筆床茶竈客
暖風吹帽任橫斜

不學襄陽高聳肩絳袍寬帽亦垂鞭恍疑萬頃瓊瑤內

一樹珊瑚照欲然

捕蟬圖

袖福由來兩倚因一貪便足召癡嗔此圖畫出人間世
不見雕林挾彈人

丙午長至後辭秦赴燕途中賦木稼

鈴聲丁當鐸丁東行人早發破曉風參旗橫沒斗柄縱
嚴霜正落天矇矓頃臯烏飛出震宮洪鑪推倒地軸紅
我馬黑鬣變白鬃我僕蒼髯成老翁性哉造化頃刻工
置我萬樹梅花中荒村一飯何遽匆落花粉蝶飛融融
漫遊何必期春冬人世變幻將毋同吾欲詢之誰適從

懷百集

廿七

遠林烟火炊冬春

除夕寫懷

前數日抵
保安藩署

倦遊幾載歷燕秦又見簪幡貼福新空有文章消歲月
好將椒酒淨風塵放懷未肯孤今夕痛飲猶能見古人
高枕不知年例事曉窓紅日自宜春

不以輒林林野人

醉辭由來兩倚因一貪便足召癡嗔此圖畫出人間世

讓鄉鄒一桂著

丁未上元後和清虛韻

咫尺崆峒路無由晤廣成閉門過令節耽讀摠勞生對
酒歌猶壯離家夢慣驚桃花春水濶此去問前程

題衣園退直圖

御苑風吹楊柳烟玉階芳草碧芊芊此中緩轡垂鞭者
合是瀛洲第一仙

年少才名擅直廬文章倚馬躡歐蘇怪他綠樹紅橋畔

金臺錄

添作雙鴛戲水圖

送國山別駕

陳榻相連憶舊遊著鞭終讓爾前頭仙山桃放公餘暇
記得寒牕夜話不

聞摠

文章得朱古難論四十年来志僅存千里琴書羈雁塔
三春花雨到龍門朱衣暗點由中禁斑管親題出

至尊

因元入闈與廻避
卷 欽定第一

相對棣花增喜氣轉思莪州淚

潺湲

傳臚

天門開處日曛曛仙樂飄香出藥宮
鞠脰身隨三唱列

聞名聲在五雲中

中二甲第
一名臚唱

兩邀特拔

恩非淺深愧

能文製未工拜舞畢隨金榜出爭看翠仗引花驄

賜宴

閨苑鶯啼送好音碧桃開處宴瓊林
金花壓帽承恩

重玉液傾杯湛露深已見和羹調
聖治更看飽德饜

臣心瑤臺獨上借仙侶下聽雲中鼓瑟琴

傳臚同臚甲
于階臺

上坐諸進士
皆坐臺下

金臺錄

賜袍

金線無勞歷畫長
天家賜服麗縹緗紅綾餅上花光

爛白紵襟前柳汁香
韋素舊甘鶉百結彩霞朝散鳳千

箱歐公自笑諱先製一樣機絲出上方

釋褐

六載征衫雨雪兼
沈塵空有淚珠淹那知客舍青氈側

幻出天吳綵筆尖
書几短檠寧敢忘宮墻高樹喜重瞻

衆中領袖推年少
執鬯分勤敢自嫌

臚甲主祭

文廟
皆年未三十傳臚

在兩廡

分獻

館選

暑殿風清敞碧霄乍登雲路躡 皇朝班前喜覩

天顏近侍久徐聞畫漏遙寶扇欽承君子德玉漿親荷

大官調是日賜微名已籍群仙譜咫尺蓬山海上招

送族兄暉東赴任中州

帝簡賢良重劇城 詔書特下魯諸生自來久瞻雕龍

譽此去新看竹馬迎未了文緣終是弟得諳民莫孰如

兄士元百里非常馭會見雲衢蹀躞輕

誕日

金臺錄

四十二年疑是夢錦袍何意忽加身登堂已集登瀛侶

作頌還宜作賦人敢道文孫承舊德祇因小阮記青春

魯祖叔介公姪既庭生日俱同庭花砌草涼颺動彷彿懸弧歲月真

送中馭南歸步慎齋韻

泮池飲酒即齊年同着宮袍詎偶然無奈仙源留不住

暮雲溪雨送歸鞭

九臯鳴鶴豈籠中千里扶搖碧海空賦就凌雲曾紙貴

殿頭佳句勝三紅

十載聲華自昔時成名原不在牽絲紅綾畢竟酬黃穎

青眼何曾負白眉

棣萼連枝未可量又聞難弟摘芹香佇看酉歲稱觥日
玉筍班聯共一堂

詠鶴臯寓中新竹次卷阿韻

羨君居處有亭臺一帶新篁兩後栽不是陳蕃常下榻
也應為看此君來

露滴風梢翠欲流卷簾庭院忽新秋放翁琢句真清絕
一片瀟湘字裏收

初辭粉籜已窺牆斜立珊珊舞珮裳宜有賢人對君子

金臺錄

四

綠筠深處覓頭香

群英開落幾時看勁節誰同歷歲寒階下瑞芝雙挺秀

畫闌風靜報平安

崔臯寓中
忽產雙芝

笑我鄉園寄跡踈渭川風物久相於篔簹萬頃尋常見

難得紅塵半畝居

無數琅玕透碧叢倚窓閒坐聽敲風七賢已去音誰嗣

壁上新詩有八公

題南華雪溪釣艇圖

宛在瓊林瑤島中一天奇景付漁翁米家只解工煙雨

未似僧繇沒骨工

采蓮曲

輕橈逐伴柳陰涼
雙唱清歌水一方
采得蓮房誇並蒂
芰荷香染袖羅香

送楊學山南歸次慎齋韻

說到先天與後天
挑燈閒坐竟忘眠
小山亦學連山易
常炷爐香雪案前

我折宮花君早知
更求刻度析毫釐
若忘八字三重丙

記取聯吟七字詩

余以丙寅丙申
癸酉丙辰生

金臺錄

五

勾股量天未易聞
略分箕斗不忘君
龐眉坎目西來相
彷彿猶能畫子雲

長門看遍渴相如
第二泉頭好卜居
半酒歌呼聊自慰
不嫌頻報故人書

送黃石牧歸里

菜羹嘗得百憂堪
雞肋何須戀一官
斜雨淒風晚秋節
亂山紅樹舊吟鞍
江邊蓴味原非惡
海上瑣樓已厭觀
第二泉頭許歸棹
幾時償我小龍團

石牧許送茶
久不至促之

題周瑞峯江橋嘯月圖

幅天池氣象寬此中人物逼蘓韓借君學海文瀾筆
寫出洋洋一巨觀

皓月當空若可邀幾人曾占此良宵平生我亦探竒者
願駕長虹蹋海潮

次韻和慎齋腰痛之作

榮華過眼若隙駒仰面逐日慚蘧條知足安步可當車
何必題橋司馬抱志常區區五步一啄十步飲黃鵠未
化隨鳧趨吾兄所患在耽讀吟誦抄閱無時無鑿開七
竅嘔心血發疾在腎湏持扶朝來對書不能療百城

金臺錄

六

卷斯言誣璞還自剖蚌自拆何用抱玉身懷珠遊心貴
若不羈尚放浪絕嘯追昆餘君不見牧羊臧穀各異趣
亡羊一耳畢竟挾策博塞曾何殊

題陳鶴臯六鷁圖

偶緣設榻戲丹青寫出君家放鶴亭記取成名未三十
坐依松竹看梳翎

何必高飛海外遊置君邱壑亦風流薄衫團扇登瀛客
不是揚州是澤州

敢云摩詰畫中詩小字當年慕愷之頰上三毫添不盡

讓他八斗與陳思

題陸舍人濠梁圖

士龍豪氣殊未除
屬我寫此濠梁圖
長橋百尺置一軀
前望萬頃連平蕪
森然秋波盪層虛
長風過我飄襟裾
江湖滿眼不忍孤
意將買棹歸蓴鱸
漁父之意不在魚
空釣意釣聊自娛
紅塵滾滾遍九衢
長綬拖紫腰金紆
舍人直閣隨晨趨
絲綸在手不可徒
安得山水盟鷗鳧
朝來展卷疑自誣
脫巾縵步其誰乎
莊生寓言涉誕迂
我雖非魚子非吾
爾我與物何區區
此樂物我人皆俱

金臺錄

七

眼前富貴良須更
會君索詩如索逋
書此一笑相揶揄
不負草堂詩為卷
阿題

我本逍遙客結廬
亡何有乾坤一草
亭日月為戶牖掃
除藉清風雲霞代
丹黝廓然無區隅
虛白淨塵垢昨來
偃卧久歷覽遍岡
阜往來終華間數
若環柱走錐地兩
俱無生計憑馬首
萍蓬感聚散否泰
易竒偶脫穎落燕
臺舊雨歡握手縱
談費晨夕忝祿竊
升斗不知客無家
但喜樽有酒晴窓
舒畫卷林麓開數
畝橋通竹徑紆松
歷石泉溜蕉梧映
几榻圖史紛左右
意其卷者阿直是

龍之藪

卷何字
龍岡

荒池收菱芡小圃藝菘韭閒觀陌上桑

細數門前柳詩成或和兒客至急謀婦暈飛詎不貴蓬
卑儉可守大願從人賒小隱結吾友屨迷倏變滅胸容
矜絕爬瑯貂空誤頭著屐屨在口巢由不可攀沮溺幾
時耦急當踐斯圖勿使終負負

丁未除夕偕兩兄於京度歲和慎齋韻

寒重全憑酒力欺客懷新減舊吟思六年改歲他鄉慣
五夜春風帝里知覽鏡功名驚換髮對床兄弟喜舒眉
上林未卜鶯花信且共鷓鴣借一枝

時與卷阿同
寓鶴臯書院

金臺錄

八

携將臘酒換花朶梅蘂探春雪作堆物似故鄉爭獻瑞
詩因漫興不須才墨餘正好頻揮紙燭盡何勞更打灰
却愛嬌痴小兒女遠床索果笑顏開

新歲雪後送南華假歸

落落掉頭態悠悠歸岫心浮雲空世界晴雪助高吟冷
淡交情厚蕭疎畫意深掀髯一長嘯知爾醉江潯
好友連翩去誰同賦玉塵况當新改歲偏別舊交人懶
學倪元鎮高懷賀季真也應見江柳回首上林春

送同館許保生假歸

風捲飛花出 帝京送春時節送君行半年鈴閣欣隨
慣一席旗亭悵別驚紅荔曉雲迎海曙黃梅夜雨過江
城回家亦是瀛洲路暫載青緇一葉輕

和慎齋得孫原韻

後為丁丑探花

雙鶴來巢歷戶株發書占得鳳生雛佳兒且喜還猶子
薄宦何妨守故吾忽憶忘年同月日

余與阮庭姪皆六月廿一日生又

看繩武識之無岐嶷自合生來肖欲聽英聲試一呼

畫菊遺東郊索酒

數枝彭澤籬邊菊一勺柴桑甕裏醅笑我只將金粉贈

金臺錄

九

累君常遣白衣來

題汪太守辨鱗圖

觀魚我知樂照水心自寫達識會衆妙寓目理非假松
風翛然來波級如鱗瓦涼氣侵菰蒲釣竿時一把垂綸
興所適不餌亦非捨夢卜勞渭濱負鼎起莘野誰為巖
廊下作此意瀟灑悠悠三千子落落幾民社撫卷心茫
然高吟傷大雅欲訪鳴琴人魯無君子者

楊星亭座中見柳侯榻以畫易之并題

八家文運孰同途一榻爭看韓柳蘇欲識高才身後價

為君寫出歲寒圖

戲點丹黃易荔蕉子雲亭上足清標從今我亦諳奇字
常與論文說海潮

雪中赴林玉相招

天心協 帝德瑞雪應時飄壓榦肥梅粒封根養麥苗
捲簾浮玉宇走馬踏銀橋作賦誰高手梁園辱見招

玉相座中即景次韻

白戰吟壇讓一籌珠光貝影座中收短檠彩筆濤箋上
長笛春風庾嶺頭懷抱十年傾素月文章三殿醉金甌

金臺錄

十

鰲山不隔瀛洲路好把雙柑趁夜遊

曉閣春寒試撻幃柳花和蝶亂紛飛誰將玉鑰開青瑣
瞥見清光下紫微萬斛酒拚千日醉百花燈放四時菲
思君不用扁舟訪踏破瓊瑤信馬蹄

走馬燈次慎齋韻

斗室中懸不夜城一輪馳送五花輕鼓聲寐聽衙枚走
鞭影驚鷲長絕地行豈為劫營乘夜半要知蚌甲到天明
太平燈火千家樂小試烽烟識幻情

咫尺銀河路豈遙
天教良會續星軺
低回落月疑前夜
珍重涼風又一宵
戲覓蛛絲還作結
漫勞烏鵲更成橋
也知巧是羲和歷
乞與人間樂事饒

移居北舍與慎齋同寓

新舍原來即舊鄰
不勞雞犬避風塵
到軒已覺兒童熟
同解方知手足仁
日色簷前暄可負
市聲門外曉相親
況逢小至賓朋集
酌醴焚枯不厭貧

雪柳

誰將金縷作銀條
沒骨圖中認灞橋
踈地玉鞭難折贈

金臺錄

十一

冰姿輕約小蠻腰

飄拂春風意太狂
故教冰雪綴寒粧
章臺遍是瑤臺景

何處青樓送夕陽

題徐國山薰葭圖

秋水淡如此伊人興
若何晚風楊柳亂
明月蓼花多頗覺
垂綸便聊為鼓柁
歌還期五湖裏
雙槳共烟波

題九龍峯畫軸

九龍峰下昔曾居
彈指流光二十餘
今日晴牕看圖畫

板橋花柳是吾廬

送倪荆材赴涼州

掉臂孤行亦壯遊，計程直欲到涼州。
送君莫唱關山曲，欲探河源萬里流。

臯蘭山下昔曾遊，三載萍踪滯帝州。
痛飲葡萄桃君莫，醉鳳林關水尚東流。

喜雨

雲旗風馬舞蕭蕭，決下銀河大地澆。
石鼓湍山聞細響，玉龍懸溜注長條。
簾前乳燕歡多語，架上煩蠅靜不驕。
佇見西疇生意足，柳溪桑舍映新苗。

金臺錄

十二

整日黃埃飛欲然，甘霖忽下九重天。
民恬頓作豐年慶，主聖能回造化權。
珠瀉碧荷猶的瀝，繡長芳草已芊眠。
兩行蛙鼓垂楊裏，也應塗歌奏綠川。

送楊星亭假歸省親

欲歸心已逐南郵，暑雨炎風不少留。
鈴閣夢驚灘水潤，玉鞭香繞桂林秋。
門迎征旆親應喜，巷少居人我獨愁。
聞說九龍山下過，愧余鄉思正悠悠。

題晴川兄竹梧清院圖

半畝清陰覆曲塘，薄衫輕笠恣徜徉。
須知綠淨不可唾，

唾出人驚白鳳凰

桐花垂乳竹抽尖膩粉瓊珠滴帽簷憑仗芒鞋騰踏去
岸莎堤草碧芊芊

次徐蘋洲卜居韻

東鄰喜有鳳凰枝棲啄偏於涼露宜籬徑好携桑落酒
爐香爭唱紫薇詩窄門犬吠人來少踈磬禪心上遲
不是支公買山處也應頻慰白雲思

咏夜來香

紫燕歸來正夕陽石闌憑處覺芬芳花開斜月鈎簾靜

金堂錄

十三

風送輕羅小扇涼弱蔓低回縈翠架綠苞叢簇鬪天香
摘來纖手排鈿合穿就銀絲繫佩囊金步搖中攢淺碧
玉搔頭上綴輕黃夢回粉頰餘香印舞罷春雲卸晚粧
不羨海棠高燭艷却憐簷蔔曉風狂寄言白日紅塵客
若個清宵玩未央

九日分韻題畫得象字

茲晨氣蕭疎豁目澄萬象西山在屋角拄笏有餘爽誰
歟共登眺隱几足俯仰霜林生毫端烟艇橫紙上題糕

競作手畫餅一撫掌落筆猶蘓蘓時地震後高吟已朗朗釐

足奠坤寧鼠尾發春盎坐令天地清萬物欣浩蕩何必
遊崑崙對此脫塵鞅

咏枸杞

憶昔遊西涼沙寒苦無卉惟茲杞棘叢殊不勞灌溉娑
娑盤小樹結實遍蒟蒻粒粒珊瑚珠凝光綻秋氣吾鄉
亦富有化枳未足貴生此邊陲區造物豈無意根苗花
實煖終歲充廩餼還同菊英餐延年永勿既黃金與丹
砂采采良不費所以陸龜蒙作賦同品彙

題乘槎圖

金臺錄

十四

蟻芥浮生亦足豪海天何事狎洶濤乘槎只合圖中看
莫便功誇博望高

卷阿寓中次慎齋韻

金門客舍玉橋西瀑直歸來信馬蹄薇省香清花判事
仙郎名籍柱留題槐陰近接堂非遠桑落新篋客自携
猶記烏衣王謝宅昔年梁燕舊同棲

蕭齋靜寄孰如君經是舊畬筆是耘塵尾談深牕轉日
茗爐烟細棟生雲論交多可人爭托問事皆佳我亦云
早晚含香趨畫省中朝久誦士衡文

新正和慎齋韻

谷鶯何處早盆火尚餘然綠水調琴柱烏絲漾筆舩八
義詩已就百福飲誰先鼓急春寒破燈高月影連霜華
明鏡裏鄉思玉壺前漫唱江南曲梅花又一年

臨川前輩招飲藤花下依韻二首

錦幔絡高榭繁英委香溝流蘇百道垂下集羣真遊放
懷千日酒笑典千金裘物理榮可愛青春去誰留訝茲
龍蛇體散作纓縵柔清言若水泛汨然脫膠丹瓊珠貫
纍纍高唱艱具酌繪此沒骨圖庶以空花求

金臺錄

十五

又

端居隔花戶籬落分鴻溝那知東皇使已作汗漫遊榆
錢不買笑飛絮空粘裘仙人紫府居邀我花下留雄詞
戰花國弓燥手益柔縱筆忽成帙放若不繫舟餘芬作
盤餌一飯君當酬餐英等秋菊此味無人求

慎齋六十壽時視學中州寄詩為祝

輕烟散春城和風遍桃李睠懷絳帷人華髮歌壽祉鶯
花看易老少壯去如水遽非我不知耳順兄自喜梁園
作賦場捧觴集多士宦遊當還家錫飴弄孫子慈祥行

繁慶仁壽固其理對床復何時余齒亦衰矣文旌過懷
郡盼望寄藥餌努力各自珍清時正喜起

端午日戲占絕句四首

艾人

艾艾爾何為草衣同結束睢盱畧似人毛髮毵毵綠

繭虎

繭虎不啞人千絲自縛急怪茲纍卵形安得孔武力

桃簪

削桃作玉簪懸符出金闥飄飄雲髻上絕勝通天犀

蒲劍

新蒲厲鋒鏑獵獵鳴薰風還疑近江潭化作雙青龍

題芍藥畫送諸肇初之汴梁

寫此將離花送子客中州中州盛牡丹此花堪匹儔艷
艷翻日華瑩瑩耀丹邱殿春歷芳圃結綵麗重樓萬物
尊皇都豐臺暢晴遊揚州十年夢風物感髣秋君過洛
陽道照眼焚山榴當年十戶賦想像餘風流玉盃並金
帶貴賤誰棄求當師淇園竹虛心保貞幽

題雲岫畫即送南歸

軟紅十丈苦羈留日對西山惜未遊羨爾回家故山好
又圖烟嶂貯歸舟
五湖一別十年餘何處溪山是我廬裝點平橋數竿竹
水亭花榭定招余

穀日題晴川畫

三冬頗慳雪入春有餘晴千室方于耜仰屋聽鳩鳴此
圖兆豐熟負郭青山橫凍枝散條風咽泉流細清恍如
霹靂後甲坼勾萌生吾家吹律翁樂此山水情稼穡以
為寶谷黍誇田荆佇看奄銚艾納稔來神京

金臺錄

十七

鶴

仙禽千里馭獨立來軒墀飲啄依琅玕皎然霜雪姿三
島不可接九臯安所之長鳴同彩鳳引吭朝陽時

題荷花畫扇贈華廣文

本是高峯十丈姿偶然花發泮宮池秋房圓實能無采
為寫鳴禽上好枝

午日寫懷

細雨朱旗濁浪中歲時荆楚記朦朧汀洲杜若何人采
日斷湘流萬古空

烏兔升沉兩跳丸，懶從世味別鹹酸。
楊家梅子盧家橘，聊作他鄉畫餅看。

中秋步慎齋韻

炎威去未盡，窗外秋蠅繁。
吳吟久不作，遇節聊一歡。
開樽掃蕭爽，落筆排辛酸。
瓊樓并玉宇，擬作浮雲觀。
誰云蝦蟇氣，吐出金彈丸。
人事幻莫測，天事疇能判。
家書三月隔，見竹思平安。
老去知夜永，思集常無端。
涼風動哀柳，急雨跳荷盤。
羨此娟娟花，秋至能紅顏。
歌成對皎月，一唱還三歎。

金臺錄

十八

送卷阿假歸

十年京國倦風塵，三迳花應見客嗔。
此去故山亭畔坐，品題依舊屬高人。

識得安仁樂事賒，版輿何處不清華。
賓鴻亦送江東陸，一路隨陽直到家。

休將蘭省誇薇省，畢竟蓉湖勝鏡湖。
紅葉青蓮相映處，

筆床茶竈計非迂。

卷阿以中翰選嘉
尹任後改郝曹



